M. Bronce

The second of th

3469

## DISCOVRS

VERITABLE DES AFFAIRES PRESENTES,

AV ROY DE LA GRAND' Bretagne, par vn certain quidan de la Cour du tres-Chrestien Roy de France & de Nauarre.

10

M. DC. XVI.

350+ ACC 83 101(201)

ZINIARIE ZREKATE TO TOTO Y

## AV ROY DE LA

SIRE,

D'autant que chacun parle auiourd'huy selon sa passion des affaires du temps où nous sommes, es que la verité n'estant pas reconnuë demeure comme estouffée dans la presse de tant de diuerses opinions pleines ou d'ignorance, ou de malice, vostre Maiesté m'a commande de luy escrire au vray l'origine, & le progreZ de nos mouuemens. Pour m'acquiter de l'obeyssance que ie vous dois, ie me suis religieusement enquis de la pure & sincere verité: Et comme l'estois sur le poinct d'en tracer le discours, il m'est tombé de bonne fortune entre les mains vne lettre qui déduit clairement toutes les mesmes particulariteZ que i'auois apprises auec beaucoup de soing & de diligence, ayant esté puisée, ainsi que i'ay sceu, des mesmes sources.

C'est pourquoy ie l'enuoye à V. M. en la suppliant tres-humblement d'y vouloir adiouster pleine et entiere foy, et d'esfacer toutes les contraires impressions qu'elle auroit receües auparauant, puis qu'il luy a pleu de m'asseurer qu'elle s'arresteroit au sidelle rapport que ie luy en ferois. Ie suis

## DE VOSTRE MAIESTE

Control of the Contro

Same of the State of the

the state of the s

and the state of t

Le tres-humble & tres-obeissant seruiteur D.S.L.

1.38

De Fours ce 21. Feu. 1616. DISCOVRS VERITABLE DES affaires presentes, enuoyé au Roy de la grand Bretagne par un quidan de la Cour du tres-Chrestien Roy de France & de Nauarre, apres qu'il luy a esté enuoyé par un de ses amis en forme de lettre cy-apres escrite.

Monsievr,

Ie vous suis grandement obligé, non seulemet du soing que vous prenez de m'escrire si consi-demment des affaires presentes, & des desseins de Mr le Prince, mais aussi de l'estime que vous faites de moy en me demandant mon advis,& me prenant pour vn iuge capable & franc de passion en vne chose de si grande importance, où les plus clair-voyans offusquez par leur interest particulier perdent bien souvent la lumiere & l'vsa-ge de la raison: Ie vous en remercie de tout mon cœur: & comme l'attribuë à vostre courtoisse ceste capacité que vous me donnez, i'accepte fort librement aussi la louange qui est deue à ma sincerité. C'est pourquoy desirant satisfaire à vostre desir & à ma conscience tout ensemble, ie vous diray franchement ma pensée. Certes ie vous auouë qu'ayant ouy dire au commencement, que Mr le Prince poussé d'vn zele extréme au seruice du Roy, & au bien du public, auoit resolu de poursuiure ardamment la reformation des desordres, dont il s'apperceuoit en cest Estat, qu'il entreprenoit à bon escient de changer le Conseil,

de soulager le peuple, d'esseuer la Noblesse, de regler la Iustice, d'estancher le flus & la profusion des Finances, & introduire par maniere de dire la perfection, de laquelle iusques à ceste heure le monde n'a point esté capable, ie vous auoue en-core vne fois que ie fus rauy d'aise & d'admiration, ne pouuant depuis me lasser de louer & ce-lebrer l'autheur d'vne si genereuse entreprise, digne à la verité d'vn Prince de son rang, & proportionnée aux obligations qu'il auoit au feu Roy, desquelles il eut peu s'acquitter en se rendant si vtile à son fils. On le combloit par tout de loiianges. Et apres qu'il eust demandé les Estats pour accomplir vn si beau desseing on redoubla l'applaudissement, & chacun respandist sur luy mille sortes de benedictions : cependant tout le monde estoit aux escoutes, & attendoit impatiemmet de voir bien tost esclorre les fruicts de tant de sainctes intentions. Mais bon Dieu quelle issuë! qu'est-ce qu'il nous feist voir ! ô que les apparences humaines sont trompeuses! ô que le cœur de l'homme a de replys! d'autant qu'vn pretexte est plausible & specieux, d'autant il doit estre suspect & à craindre. Ne vous souvient-il plus de ceste admirable Comette que nous veismes ensemble quand nous estions petits? S'il vous en est resté quelque image, n'est-il pas vray qu'il n'y a point d'estoille au firmament si lumineuse & belle a regarder ? Elle desployoit à grands flots vne ample cheuelure, & s'aiguisant en pointe, & serpentant, il sembloit qu'elle sist honte aux astres, & qu'el-le embellist tout le Ciel d'vn nouvel ornement:

7

mais qu'estoit-ce en esset? rien qu'vne exhalai-son qui abusoit les simples de son esclat, & menaçoit la France des malheurs dont elle fut frappée depuis miserablement : ie vous laisseray appliquer ceste comparaison, pour vous dire qu'à l'ouverture des Estats, m'estant aperceu des brigues & menées de Monsieur le Prince, & ayant veu comme à descouvert que ce beau mot de re-formation degeneroit reellement & de faict en vn appetit desordonné d'estre ioinct & vny à la Regence, i'en receus vn extréme desplaisir, & commençay déslors à deplorer nostre malheur, reprochant à moy - mesme ma credulité: Il est vray neantmoins, qu'ayant peur de faire à la volée quelque jugemet temeraire au prejudice d'vn si grad Prince, ie ne voulu pas me sier à mes yeux, mais ie suspendis volontiers ma croyance, attendant que le temps & la suite de ses actios me ren-dist plus sçauant: ie consideray le progrez: il per-dit de tout poinct l'esperance d'obtenir vne cho-se si déraisonnable & cotraire à la prudece qu'on doit apporter pour la seureté & conservation de nos Roys. Car ce seroit grandement hazarder leurs personnes sacrées, si durant leur bas aage on consioit les resnes du gouvernement entre les mains de ceux qui sont proches à succeder, de peur que s'enyurans à la douceur du commandement ils n'aspirassent à la Couronne, & que dressants des pieges au Roy, ils ne vinssent en sin à s'emparer de la Royauté, son dessein n'estant pas reiissi de la mesme façon qu'il se promettoit, soudain il s'escria, Qu'on ostoit aux Estats le li-

berté qui leur estoit permise & promise, qu'on éludoit leur force, qu'on auoit banqueté les eslections dans les Prouinces, & que par ce moyen on rendoit inutile vn remede si souuerain contre les maladies d'vn Royaume. Ce discours & ces plaintes abuserent encore force gens, & eurent bien la force de tenir durant quelques iours mon esprit en suspens, iusques à tant que ie descouuris heureusement auec quel artiste il épousoit les deux partis contraires, faisant semblant d'assister la Noblesse qu'elle auoit d'abolir la venalité des offices, pendant qu'il visitoit d'ailleurs secrettement Messieurs de la Iustice pour leur prester la main, & les faire opiniastrer à la continuation de la Polette: en quoy il se ioiioit des vns & des autres, & fomentoit leurs divisions pour troubler la concorde publique, & profiter de ces brouilleries. Il ne faut point mentir, ce proceder me sembloit bien estrange, & peu conuenable à la grauité & à la preud'hommie d'vn Prince, qui meditoit la reformation, ie voulus pourtant, me persuader qu'il vsoit en cela des maximes du téps & de la prudence mondaine, afin de s'entretenir des deux costez, pour en tirer apres plus aisément des affaires salutaires & desirables. Ne vous sounient-il pas de tant d'autres practiques, de tant d'allées & de venuës qui se faisoient alors, dont vous me parlastes à l'oreille? Apres il me demanda qu'on cust à retarder l'accomplissement des mariages, tant il auoit de peur & de soing qu'en vn aage si tendre la santé du Roy ne sust interessée, & qu'vsant de ses forces auant qu'auoir attaint sa maturité, il ne demeurast foible & inhabile à procreer vne heureuse lignée. Vous qui charmez ses plus cuisans soucis par les perfe-ctions dont la nature vous a doisé, dites-moy ie vous prie si vous auez eu beaucoup de peine à le guerir de ceste apprehension? Ne me dites-vous point vne fois que Retarder significit Rompre en langage du cœur? mais que la naturelle eloquence de Mr le Prince addoucissoit le mot de ceste sorte. Ilm'a esté bien aisé de le croire, quad i'ay veu qu'il iettoit tant de messiances & de soupçons dans les esprits de Mrs de la religion, pretenduë, leur faisant entendre qu'on vouloit les exterminer, & que de leur ruine on auoit basty les premiers fondements de ceste alliance: Il effrayoit mesmes les Catholiques d'vne terreur panique de l'Inquisition, la representant comme vn fantosme & vn espouuentail à nos consciences: il disoit que la France alloit ployer le col foubs leioug & l'Empire de l'Espagnol: il sollicitoit nos alliez à se ioindre auec luy, pour empescher ou par remonstrances, ou de viue force l'execution de ces mariages: en fin i'ay appris la cause de son mal. C'est qu'il voyoit que si l'authorité & la pui sance du Roy estoit vne fois ac-creuë & affermie par ce double lien, il ne luy se-roit plus loisible desormais de s'échapper à chasque bout de champ, comme l'on dit, de faire des saillies & de ses équipées ordinaires. Iusques icy l'on pouvoit en quelque saçon interpreter savo-rablement toutes ses actions, & les flatteurs ne manquoient point d'excuse, ny de pretexte pour

fortisier les sots en leur croyance. Mais de prendre les armes, de se saisir des deniers du Roy, d'assieger & saccager ses villes, rauager ses campagnes, rançonner & tuer ses subjects, enuoyer des secrettes instructions, & des bouteseux par toutes les Prouinces, en suscitant l'enfant contre le Pere, tascher à soustenir tout le corps de la religion pretenduë appeller l'estranger, implorer le secours des Anglois, Hollandois, Protestans, & peut-estre du Turc, si Soissons estoit vn port de mer: En somme remuer les enfers & la terre:si tout cela n'est pas vne entiere & manifeste rebellion, il n'en est point & n'en sera iamais. Lisez les anciennes & modernes histoires Grecques ou Latines, profanes, ou sacrées, elles ne sçauroient nous fournir vn exemple d'vne plus signallée & parfaicte desobeissance. Bon Dieu quel changement? quelle prodigieuse nouueauté? celuy qui a soustenu il n'y a que dix mois, & professé comme article de foy en pleins Estats, & à la face de toute l'Europe, qu'il n'estoit pas permis pour quelque subject & occasion que ce sust de s'esse. uer contre son Prince pour luy faire la guerre, quand ce seroit vn Monstre en la nature, celuy là mesme est-il possible!faict gloire auiourd'huy d'estre chef des rebelles & coduict vnéarmee cotre son Roy: mais vn Roy innocent, les delices du ciel & de la terre, digne filz de celuy & de celle qui ont coblé d'honeurs & de bies cest ingrat. Apres celai'admire auec quel front, auec quelle afseurance il oze bien encore protester que ses armes ne tendent qu'au seruice du Roy: lans doute

ou qu'il estime que nous sommes priuez de iuge ment, & qu'il luy sera bié ay sé de nous persuader le contraire de ce que nous voyons, que nous touchos audoigt, & qui est palpable aux petis enfans, ou qu'entendant parler de soy mesme, il vse d'equiu oque & affecte dessa la Royauté. Car dire qu'il ne s'esleue que contre les Ministres & ces fauoris qui couurent leur maluersation du manteau du Roy & abusent de son authorité, ce sont des vieux contes desormais, dequoy l'on se mocque: Et de faict s'il en veut particulierement au Mareschal d'Ancre, pour quoy donc s'en va-il le chercher en Poictou, puis qu'il sçait bien qu'il est en Picardie? que n'assiegeoit-il Amiens? pensoit-il le trouuer dans Chasteau-Thierry ou dans Espernay quand il les a pris? ces pauures habitas ne l'ont pas amené de Florence, ils ne l'ont pas fait Mareschal, falloit-il les piller, parce qu'il est riche, & les ruiner parce qu'il est grand? qu'est-ce qu'ils ont de commun ensemble : les Prouinces qu'il a miserablement desollées sont-elles responsables & complices des actions qu'il impute au Chancelier, au Commandeur, & à tous les autres, quand mesmes ils seroient attaints & conuaincus de crimes plus énormes que ceux qu'on leur impose?ieveux auecques vous qu'ils ne se soient pas oubliez, & qu'ils ayent amassé des richesses: c'est chose ordinaire en tout temps,& en tous estats, que ceux qui ont le maniement des affaires publiques ne mesprisent pas les leurs particulieres: toutes sois qu' on demande à la Picardie, à la Champagne, au Berry, & au Poictou, si

B ij

tous les Ministres ensemble leur ont fait tant de mal depuis cinq ans que Monseur le Prince depuis cinq mois, elles respondront d'vn commun accord que ceux-là ne les ont point du tout incommodez, & que cestuy-cy les a ruinez de fonds en comble. Et quand il seroit vray que ils foulent le peuple, & luy succent le sang, la guerre n'est pas vn remede propre pour restaurer sa premiere vigueur, & luy rendre son en bon poinct. Il veut changer le Conseil du Roy, & le Roy veut changer le Conseil de Mr le Prince. Il y a plus de trois ans que sa Majesté luy a desfendu tres-expressémet de suiure celuy de Mr de Bouil-Ion, comme estant fort pernicieux & ruineux, non seulement au seruice du Roy& de la France, mais à ceux qui l'écoutent, & à l'autheur mesme qui le donne. Le Roy desire ce changement, & en a d'autant plus de pouvoir, que c'est à faire au maistre à commander, & non pas au subject : il en a d'autant plus de raison que les cinq qui sont nommez dans le Manifeste ne sçauroient de propos deliberé faire tant de mal que le Mareschal de Bouillon en fait sans y penser: c'est la vraye peste d'vn Estat, vn flambeau de dissension, le mal heur & l'opprobre de la France. Le ne mets point en doubte qu'en matiere de biens Mr le Prince n'estime superflu en autruy tout ce qu'il iuge bie feant à soy-mesme, & qu'il ne desirast grandemet de retrancher le luxe, pourueu que les rongneu-res tombassent dans ses cossres: vous qui conformez de tout poind vos souhaits aux siens, ne me dites-vous pas vne fois que vous seriez bien

aise si parmy les deuises qui sont dans la salle du Commandeur postre maistre auoit adiousté cette-cy, Sic vos non vobis nidificatis aues? Mais il ne faut pas estre insatiable, il doibt se contenter des dons immenses qu'il a receus depuis la mort du Roy: & s'il se plaint dequoy l'on a épuisé la Bastille, qu'il s'en accuse soy-mesme, sans en rejetter la faute sur autruy : car outre sa pension annuelle, qui est notoirement excessiue, outre les cinq cens mil liures qu'il eut aux derniers mouuemens de Soissons, outre la maison qu'on luy a donnée, & les sommes notables qu'il a touchées dans le Conseil, il se trouue qu'il a eu onze cens mille escus de dons verifiez en la chambre des Comptes: Depuis il a obtenu des pensions pour trois cens gentilshommes, & a obligé le Roy en quelque façon d'en accorder de melmes à plusieurs autres qui se sont fondez sur cest exeple. Derechef il est vray qu'il est la seule & la vraye cause des principalles despenses du Royaume. Car si l'on a leué vn grand nombre de gens de guerre, si l'on a renforcé les garnisons, fortifié les places, & gratifié extraordinairement mille personnes: tout cela n'a point esté fait que pour s'opposer aux mauvais desseins de Mr le Prince, reprimer ses esmeutes, esuenter ses caballes, & refister à sa violence.

En fin quand il a veu que sa reformation estoit descriée, & tous ses artifices descouverts, ne sçachant plus de quelle couleur desguiser sa revolte, & pallier son ambition, il s'est aduisé d'vn pretexte nouveau plus plausible & capable ce luy sem-

bloit d'esmouuoir le peuple & d'abuser le monde: C'est qu'il veut vanger la mort du feu Roy. Mais pour cela faut-il faire la guerre à son fils, à sa femme, à ses subiects? en sont ils coulpables? n'y ont-ils pas pour le moins autant d'interest que luy? Et depuis quand a-il commencé d'estre ainsi denoré du pur zele de la Iustice? depuis quand est-ce que son cœur est si viuement touché de cest execrable parricide? le temps est vn souuerain medecin pour appaiser les douleurs de l'esprit, & guerir des playes incurables : d'où vient donc qu'il produict auiourd'huy vn effect si contraire à sa coustume? Vous sçavez bien de quelle sorte Mr. le Prince receust la nouvelle de ceste mort quand le Comte de Fuente à heure indeuë se leua de son lict tout exprez pour la luy annoncer, & l'en feliciter comme d'vn accident le plus heureux pour luy, qui luy pouuoit iamais arriuer, & de faict il vsa des remedes dont ordinairement, on se sert contre les grandes ebullitions de sang. Car il se sentit touché en vn mesme temps de deux passions contraires, de peur, & de ioye. Qu'est-ce qui adonc resueillé sur le tard son ressentiment & luy a faict deplorer ceste perte, quand tous ceux qui l'ont plus regrettée ont changé leurs larmes en prieres pour se consoler, auec Dieu? Il accuse le Duc d'Espernon, o la noire! ô l'insigne malice! Il faut que ie m'esclatte. Vous qui sçauez bien la verité, comment osezvous plus demeurer aupres de ce Prince? n'apprekendez-vous point que la terre s'ouure souz vos pieds & vous engloutisse auec luy? que le ciel itriténe vous trouue dedans sa chambre lors qu'il visitera la teste, qui a conceu vne si prodigieuse calomnie? qui sçait mieux que vous, que Mr. le Prince a tres-soigneusement recerché le Duc d'Espernon, & qu'il a longuement employé toutes sortes d'inventios pour le divertir du service du Roy? Nem'auez vous pas dit que Madame la Princesse sa mere, & vn certain Seigneur de Berry trauailloient à cela, comme à prix faiet auant qu'il eust perdu l'esperance de le gaigner, ne luy faisoit-il pas mille caresses? & ne l'eust-il pas te-nu pour vn sainct, s'il eust adheré à ses volontez? N'est-il pas vray, qu'ayant en vain tasché dele corrompre, ne pouuant mesmes l'esbranler, la rage l'a porté à le charger d'vn crime si attroce? N'est-il pas vray, que Mr vostre Maistre par la ruine de ce grand seruiteur de sa Majesté ne retend autre chose, sinon d'abbattre vne de ses plus fermes colomnes de l'Estat, & rompre cét obstacle pour se frayer vn chemin plus aisé à la Royauté?& d'autant qu'il sçait bien que le Duc d'Espernon est l'vn des plus grands seruiteurs du Roy & des plus vtiles, & tel que chacun le cognoist: Il a voulu ietter le soupçon dessus luy, asin que l'on l'eust en detestation, & que l'essoignat de la Cour il peust auec moins de disficulté vsurper la puissance absoluë qu'il pour chasse, ainsi qu'ostant vn chie de la bergerie, le pasteur endemeure plus foible, & le troupeau courre plus de fortune d'estre mis en proye, & à la mercy des loups rauissants: & de fait l'on ne charge que ceux que l'on croit e-Areassectionnez & vtiles au seruice du Roy: car

les personnes de basse qualité sont exemptes de ceste accusation. Au reste dites moy, ie vous prie, d'où il a tiré non pas les indices, mais des preuues certaines pour l'accuser ainsi publiquement & hardiment d'vn si execrable forfait? si c'est de Rauaillac, pour quoy l'a il celé si long temps ? Si de la Decoumans, que ne le disoit-il aux Estats? s'en estoit & le temps & le lieu: Quant à Rauaillac, examinons de point en point toutes les circonstances, qui precederent, accompagnerent & suiuirent ce detestable coup, nous n'en trouuerons pas vne seule qui puisse engendrer le moin-dre soupçon contre l'accusé: ains au contraire elles s'accordent toutes à sa descharge, en tesmoignant parfaictement son innocence. C'estoit vn homme merueilleusement melancholique, plein denoires pensees, nourri dans vne superstitieuse deuotion, où le malin esprit vint à se glisser, & à somenter la naturelle imbecillité de son cerueau pour le porter à ceste manie qui auoit du rapport & vne grande conformité à la disposition ordinaire de son humeur, sans qu'il fust d'ailleurs sufcité ny poussé par home du monde. Il alloit mendiant de porte en porte, faisoit bien cognoistre par sanccessiré qu'il n'auoit point de si secrette & importante intelligéce auec les grands, qui pour le moins ne luy cussent pas resusé du pain: Et de dire que sa pauureté estoit feinte & dissimulee pour quelque consideration profitable à celuy qui vouloit l'employer, outre que ie n'y voy pas grand finesse: beaucoup de gens pourrot tesmoigner qu'il a monstré des marques certaines d'vne vraye

vraye misere; & puis il me semble que ce n'eust pas estévn bon moyen d'approcher le Roy que de faire le gueux, & semettre en hazard tous les iours d'estre mis en prison comme vagabond, faisant naistre vn soupçon de soy mesme mal à propos. Il executa son dessein en vne occasion purement fortuite, qui ne pouvoit point estre premediteeny attitree, comme elle eut esté infailliblement, si celuy qu'on accuse y eust trempé: ille in en plein iour, & à la veue de tout le monde: preuue asseurce de son desespoir & forcenement. Le Duc d'Espernon veritablement empescha le sieur de sainct Michel gentilhomme ordinaire du Roy de tuer ce malheureux assassin sur le champ, le faisant soustraire à la fureur du peuple, afin que on peust ouyr sa deposition, & appredre l'autheut & les complices; marque infaillible de son innocence: il fut mis entre les mains de la Iustice, où il a demeuré plus de quinze iours, où les procedures ont esté faites tres-exactement, commeil appartient en semblable cas: On a permis à plusieurs personnes de le voir, de l'arraisonner, de l'interroger. Vn Capitaine des gardes luy froissa le poulce soubs vn chien d'harquebuze, pour tirer de luy quelque confession: on luy a donné des gehennes nompareilles, tout le Parlement luy a fait son procés; en fin il a souffert publiquement le dernier supplice apres auoir demeuré deux heu res dans les tourmens, où l'on ne l'a point enter du varier, ny tenir aucun autre langage que premier: chacun l'a oy, il est mort Catholi par consequent il a desiré le pardon qu'i'

uoir pas obtenir de Dieu, sans vne precedente & entiere confession, laquelle en ce cas là eut esté re uelee de la façon que les Casuistes l'appreuuent. Et cependant ses depositions publiques & particulieres, en iugement & dehors son procés par escrit, que plusieurs ont leu, ses paroles que tant de personnes ont ouyes, & sa derniere confession, tout s'accorde à dire qu'il n'a point esté suscité, conseillé, ny poussé de qui que ce soit, & qu'ilne l'a fait que de son propre mouuement. Si cela est vray, que peut repliquer la calomnie? S'il ne l'est pas, tout le Parlement est donc complice coulpable de celer vn tel crime, ou ses registres sont falcisiez. V oyez l'absurdité qui s'en ensuiuroit.

Pour ceste autre folle, qui sçait mieux que vous comme toute la trame sut our die chez Maqueline, & que la Decoumans a esté suscitée & sifiée dans le iardin, & par le Baillif du Palais. Aussi le Parlement ne fit point d'estat de ce qu'elle alleguoit, y trouuant si peu d'apparence, qu'on n'eut pas continué les procedures si le Duc d'Esperno luy-mesme n'en eut fait la poursuitte, pour esclaircir publicquement son innocence: elle a esté en fin condamnée à demeurer tousiours enfermée entre quatre murailles. Si elle a descouuert la verité, il s'ensuit que le Parlement pour la seconde fois est complice de Rauaillac, & coulpable, non seulement de l'auoir condamnée, mais de receller ceux qu'elle a conuaincus; vous n'ignorez pas neantmoins qu'on ne leur est guere affectionné: Si l'on ne l'a pas condamnée à mourir, c'est vn tesmoignage de sa folie, à laquelle on

a compassion, ou plustost vne descharge & des Iuges & de l'accusé, afin que si la malice des hom mes venoit à les reprendre, ils eussent tousiours en main dequoy iustifier leur iugement, & celuy qu'on accuse: mais puis qu'on l'a condamnée à vne telle peine, & non de la mort, ç'a esté pour pardonner à l'honneur & qualité de ceux qu'on tenoit autheurs de la calomnie : ioint aussi que sa peine est plus grande que celle de la mort. Quant au soldat qu'on a mis depuis quelques iours en prison à la Bastille, il dit qu'estant à Naples cer-tain homme de qualité, subject du Roy d'Espagne s'estoit addressé à luy par l'entremise d'vn nommé Hebert François & Secretaire du seu Maréchal de Biron, pour le pousser & luy persuader de faire le coup:mais qu'au lieu d'yprester so consentement il en auoit promptement aduerty le feu Roy: l'on voit par là comme sa deposition ne serapporte point du tout à l'accusation de Mr le Prince: & si vous lisez tous ses liurets que l'on fait courir sur ce subject, les vns accusent le Mr d'Ancre, les autres sa femme, qui les Iesuistes, qui les Espagnols, qui le Duc d'Espernon. Et tout ainsi que la verité est tousiours vnique, de mémes le mensonge est divers, & ne sçauroit iamais estre vniforme. En somme quel subject eut peu auoir le Duc d'Espernon de commettre vn si malheureux acte! car il ne faut pas s'imaginer qu'en ce cas là il ne se fust proposé quelque fin digne d'vn coup si desesperé: mais alors il n'auoit pas occasion de craindre que le Roy luy rauist la vie ou la liberté, ny qu'il dépouillast de ses biens ou de ses

honneurs, ny luy, ny fes enfans. Depuis ie ne voy. pas qu'en façon du monde il ait profité de ceste mort, ny qu'il se soit d'anantage aggrandi. Quad Mr le Prince a dict simplement que le Ducd'Espernon estoit imperieux, altier, insupportable & hault à la main, l'on ne s'est pas mis en peine d'examiner s'il auoit raison de le dire, ou non : c'estoient des enuies & animositez particulieres, qui ne regardoient point le public: mais de procurer par de maudites inuentions l'entiere ruine d'vn vray & tres-vtille seruiteur du Roy, & l'accuser d'auoir fait tuer nostre pere, nous y auons tous grand interest, & ne pouvons souffrir qu'on nous reproche faussement que nous en soustenions le meurtrier. Excusez-moy, Monsieur, si i'excede la iuste mesure d'vne lettre, vous voyez tant d'autres excés au lieu où vous estes, que peut estre cestuy-cy ne vous semblera pas estrange: ce n'est pourtant qu'vn échantillon seulement de ce que ie reserue à vous dire quand l'auray le bien devous voir: Si ne veux-ie pas oublier maintenant de vous parler du President le Iay, parce que vous m'escriuez que la procedure dont l'on a vsé en son endroit vous a semblé merucilleusement estrange & violente. Ie ne sçay pourquoy vous appronueriez d'auantage celle qu'on a tenue auparauant contre l'Euesque & les Maire & Escheuins de Soissons, qui ont esté exillez d'vne ville, où ils faisoient dignement leurs charges, & servoient fidellement le Roy: mais quand ils auroient failly en quelque chose, il n'appartenoit qu'au souverain d'en prendre cognoissance, & il ne nous appartient pas non-plus quand sa Majesté exerce son pouvoir, d'interposer nostre iugement, & condamner ses actions: que s'il falloit particulierement rendre compte de ceste-cy, ie vous dirois qu'vn homme esseué de la lie du peuple, & hors de la poussiere à vn si honorable de-gré qu'est celuy du President le Iay, ne merite pas vne petite punition, lors qu'il se mescognoist qu'il abuse de cest honneur, & que comme vn monstre d'ingratitude il hayt son bien-faicteur, machine contre luy, & desbauche ses seruiteurs. l'espere de vous entretenir plus à loisir sur ce suject, & sur tout le reste. Cependant ie vous prie & coniure de tout mon cœur par les estroicts & indissolubles liens de ceste ancienne amitié, qui estallé croissant auec nostre aage de vouloir deformais ouurir les yeux, & considerer attentiuement le malheur où vous estes plongé, afin que vous taschiez d'en sortir, & d'apprendre à Neptune, comme l'on dit, le tableau qu'on luy doibt apres estre eschappé du naufrage: mais efforcezvous de sauuer vostre maistre, & de le retirer du gouffre où luy-mesme s'est precipité si mal à pro-pos, vous possedez entierement son oreille & son cœur, & vous pouuez vanter d'estre celuy qui a le plus de pouuoir sur luy: c'est pourquoy vous estes obligé de le bien employer, & de vous en seruir en vue occasion de telle importance: quand vous l'entretenez tout seul, & qu'il n'est pas enuironné des flatteurs qui l'ont empoisonné: dites-luy franchement & courageusement qu'il flestrit son nom, & souille sa memoire d'vne

tasche que le temps n'esfacera iamais : dites-luy qu'on ne met plus en doute qu'il ne soit le premier Prince du sang, sans que ses actions nous redent vn plus particulier tesmoignage qu'il a eu pour pere, & pour ayeul deux Princes de Condé: dites-luy qu'il ne soit point honteux de se repentir, & que ce luy sera tousiours beaucoup d'honneur & de gloire d'implorer la clemence de sa Majesté, & se rendre aupres d'elle: sur tout asseurez-le qu'il amoncelle l'ire de Dieu, & attire sur foy la vengeance, non seulement de tous les brigandages publics, viollemens, massacres, cruautez, abominations qui se commettent, & des beaux fruicts de la guerre, dont il est autheur; mais principalement de la rebellion & de la calomnie, deux crimes signalez que Dieu deteste infiniment. Que si vous le trouuez obstiné,& qu'il persiste opiniastrement en sa desobeissance & en sa malice, croyez que c'est desia vne griefve punitiodes fautes passées, que d'y perseuerer à l'auenir. Quoy que s'en soit, destachez-vous de luy, croyez-moy, quittez ce party, & renoncez genereusement à toutes les faueurs qu'il vous a fait,& que vous pourriez pretendre desormais parmy la déplorable corruption du siecle & de la Cour, où l'on bassouë ceux qui ont quelque soing de leur ame: souuenez-vous qu'elle est d'vn merite trop excellent, & d'vn trop grand prix, pour estre mise à la balance, & entrer en comparaison, non seulement auec l'amitie de vostre maistre, mais auec tous les biens de la terre : Or il est certain & indubitable que d'assister & adhe-

zer en quelque façon que ce soit aux inten-tions de Monsieur le Prince; c'est sans vous flatter estre en vn estat perilleux pour vostre ame:ie ne croy pas que l'interest de vostre sortune ait plus de pouvoir dessus vous que celuy de vo-stre conscience: mais si vous souhaittez des honneurs, en peût-on esperer de celuy qui se deshonnore par la marque d'vne rebellion: & qui estant declaré criminel de leze Majesté est descheu du grade que sa naissance & la bonté du feu Roy luy auoit donnée ? Si vous desirez des richesses, en attendez-vous de celuy qui est accueilly d'vne extréme necessité, & reduit à bailler pour toute recompense à ses seruiteurs la liberté & l'impunité de mal faire? Le Roy est la vraye source des biesfaicts: c'est vn Ocean qui ne tarist point, d'où de-riuent en abondance les biens & les honneurs que vous pourchassez : il ne faut pas pourtant que ceste consideration nous attire & rameine à nostre debuoir, ains que ce soit seulement, parce que le Roy est l'Image viuante de Dieu, qui l'a establi ça bas sus vn throsne pour nous commander, & nous a faits naistre pour luy obeir, trop heureux que nous sommes de viure soubs le regne d'vn tel Monarque: & plus heureux encore si nous pouuions mourir pour son seruice. Presentez-vous deuant sa Majesté, demandez-luy pardon, il vous l'octroyera comme fils legitime d'vn Roy le plus clement & debonnaire qui fust iamais,i'en receuray vn contentement fingulier,& vous me donnerez vn nouveau subject de de-MONSIEVR, meurer,

Vostre bien-humble & plus affectionné serviteur, B.C.

